



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vitis Aqvilonia seu Vitæ Sanctorvm Qvi Scandinaviam
Magnam Arctoi Orbis Peninsvlam Ac præsertim Regna
Gothorum Sueonumq[ue] olim rebus gestis illustrarunt**

Vastovius, Johannes

Coloniæ Agrippinæ, Anno M.DC.XXIII.

Lifdagus Episcopus M.

urn:nbn:de:hbz:466:1-38534

LIFDAGVS EPISCOPVS ET
MARTYR FLORVIT AN. CHRISTI 946.

AGAPITO II. Pontifice. CONSTANT. Imper. EMVNDOR.

ROSTQVAM ad superos euolasset B. Vnno voluntate Ottonis Regis, suffectus est Adaldagus in Archiepiscopum Brem. genere illustris, ætate iuuenis, verum tamen per omnia industrius. Hic primam sibi religionis conseruandæ propagandæq; curam suscipiendam putauit. Quæ in re Ottonis Regis familiaritate fretus quascūque emergentes facile superauit difficultates. Amundus quoq; Gottorum Sueonumq; Rex Erici filius, Haraldo Danię Regi Christiano confæderatus Christianis eo venientib; placabilis fuit. Itaq; ex legatione sua Lifdagus quæ progentium salute primo à prædecessoribus suis suscepta fuerat hoc emolumenti habuit, vt quod alii in lacrimis seminauerant ipse messuerit in gaudio; plurimum interim sollicitus totoq; animi desiderio incensus æstuabat, id ad effectum deducendi quod religioso conceperat affectu.

*Adaldagus
Bremensis Ar-
chiepiscopus.*

Quocirca Lifdagum oriundū Frisia inter alios Apostolicæ dignitatis viros Adaldagus in Præsulem Ordinatum Sueonibus, Danis, Normannis præfecit, prædicandiq; illi commisit prouinciã. Et vero cum nullæ adhuc certæ Episcopis constitutæ essent sedes ob persecutiones passim ingruentes vel ad habitandū securæ, quisq; plantandi studio Christianismi in vltiora progressus verbum Dei tam suis quã alienis prædicare certabat. Sic sane vir sanctus zelo Diuino feruens prouincias sibi creditas solerter obiuit, verbumq; salutiferum Dei in agro cordis humaniferes multos Christi Ecclesiæ aggregauit. Dumq; in dies populum celestis doctrine adminiculo multiplicaret, & ipse vitæ sanctimonia iter cælestis Regni cõmonstraret; Spiritum tandem profuso sanguine pro Christi religione reddidit, ab infidelibus in Ciuitate Ripensi trucidatus, Anno salutis humanæ Nongentesimo quinquagesimo, multis post mortem clarescens miraculis.

*Lifdagū creat
Episcopum &
propagando
Borealisbus Eu-
angelio præsi-
cit.*

*Ripe in Dania
martyr occum-
bit.*

*De eo Adam. Brem. lib. 2. c. 16. Abbas Stad. pag. 110. qui mortem eius refert in
annum 984. Albert. Crantz. in sua Metrop. lib. 3. c. 17. 26. & 40.*

B 4 ODIN.